

خبرنامه حکمران

نومرو ربيع الآخر سنه ۱۲۹۰ ۲۸ ۱۰
 بازار ايرتسى ۱۱ حزينان رومى سنه ۱۲۸۹ ۸۹
 صفحه

اشوغزته بهر هفته بازار ايرتسى كونلرى چيقار . سنه لىكى برعثمانلى يوزلك التوننه وبهرنسخه سى
 شمدىلك ايكيشر غروشه اوله رق هر پرده صايتلور . سنه لىكنه مشترى اولق استيانلر
 مکتب صنایع مدیرلىکنه مراجعت ایتلیدر

حواله جمعیتک وظائف و معاملاتنه دأر
 نظامنامه در

برنجی ماده حواله جمعیتی کندوسنه ورود
 ایده جک مستدعیات و محررات و مذاکر و اعلامات
 ایله اوراق سائره قنخی محله عأدایسه اورایه
 حواله ایدر ولایتدن احضاری لازم کلنلر ایچون
 شرائط نظامیه یی اجرا ایتدیر

ایکینجی ماده کافه مستدعیاتدن پشین اوله رق
 بریاض بشک مجیدی قیدی خرجی التدیجه اول استدعا
 نه قید اولنور ونه ده قیدسز مستدعیات حقنه
 برکونه معامله اجرا ایدیلور فقط مبالغ مدعا ایکیوز
 الی غروشدن اشغی اولور و یا خود بومقداردن
 زیاده اولوبده صاحب استدعانک اقتدارسزلخی
 جمعیتجه اکلاشیلور ایسه اوخالده صاحب استدعا
 اشبو خرجک ایفاسندن معاف طوتیلور

اوچنجی ماده حواله جمعیتنه ورود ایده جک
 اوراق و اعلامات و سائر اولمرده دفتر مخصوصلرینه
 قید اولندقدن صکره رئیس جمعیتنه بلاعطا
 خلاصه ایدانک اوزره تمیزره ویریلور

۲۵ محرم سنه ۱۲۹۰ تاریخیه تمیز حقوق
 دأرسندن ویریلان اعلام صورتک مابعدی
 فقره اخیره سنه صورت موافقتده ایسه دهه مرقوم
 نیقوله نك دیوان استیناف اعلامنده محرر اولدیغی
 وجهله سند مذکورک معامله تجاریه دن تولد
 ایتدیکی حقنه برکونه اعتراضده بولنماسی کندو حقنه
 اقامه اولنان دعوایه قارشو کندوسنی خصم صفتنده
 بولندرماتق افکارندن عبارت اولدیغی حالده
 دیوان مذکورک اشبو عدم اعتراض ماده سنی
 مدار حکم اتخاذ ایتسی بولسز بولندیغندن ذکر
 اولنان استیناف اعلامنک بوجمقی تقض
 اولندی بناء علیه جهت مذکورنك دیوان احکام
 عدلیه نظامنامه داخلینک اون ایکینجی ماده سى
 موجبنجه تصحیحی و ورثه مرقومنه ترکیده
 وضعید ایدوب ایتدکرنک تحقیق ایسه شرع شریفه
 عأد بولندیغندن اول امرده بوجهتک شرعا رؤیتی
 و اعلام و تبلیغ خرجی اولان سکر عدد بیاض
 مجیدی نك نصفیت اوزره طرفیندن التسی خصوصلرینه
 قرار ویریلرک صورت قرار طرفینه تفهیم اولندی

در دینجی ماده میزله ویریلان اوراقدن خلاصیه محتاج اولنلری خلاصه نری ایدیه رک مطبوع خلاصه پوصله نری رئیس ویریلوب جمعیتک رای وقراری دفتر مخصوصنه قید اولنور وکافه اوراق حتمده جمعیتک نتیجه قراری اوراق بالارینه یازیلوب زیری جمعیت مهریله مهرلنور بشنجی ماده حواله جمعیتی دیوان احکام عدلیه نظامنامه داخلینک یکریمی ایشنجی ویکریمی اوچنجی و او تو زسکرنجی ماده نرینه موافق اولیان مستدعیاتی اسبابی تحریراً بیان ایدرک اعاده ویا حفظ ایله اصول وقاعده سنه توفیقاً تنظیم و تقدیم اولغنی صاحب استدعایه اخطار ایدرک التنجی ماده حواله جمعیتی اوراق وارده بی اقتضایدن محالره حواله ایتکسزین لزومی تقدیرنده طرفینی ویا خود طرفیندن برینی جلب ایدرک یدنجی ماده جلب خصوصی دیوان احکام عدلیه نظامنامه داخلینک قرق سکرنجی و قرق طقوزنجی والتنجی ماده نرینه توفیقاً اجرا اولنور فقط اشیو جلب ایچون کوندریله جک مطبوع و قوچانی پوصله نر حواله جمعیتی اوراق اوطه سی طرفندن مهرلنور سکرنجی ماده جلب پوصله سی کوندریلوبده بلاعذر مقبول کلیانلردن جزا قانوننامه هما بونک یوز اون التنجی ماده سی حکمنه توفیقاً حواله جمعیتی قرار یله جزای نقدی انور طقوزنجی ماده برینی متعاقب سکرکون ظرفنده اوچ دفعه جلب پوصله سی کوندریلوبده نهایت دعوته اجابت ایتیانلر احاددن ایسه جانب ضابطه و مأموریندن ایسه تابع اولدیغی امری وساطتیه جلب و جزای نقدی اخذقلنور اوننجی ماده ولایتدن آدم احضار اولغنی اوزره ویریلان مستدعیات موافق نظام اولدیغی تقدیرده قبول اولنورق دعواسنده حقسنز چیقارایسه احضار ایتدیره جکی ادیمک قانوناً حکم اولنورجق

مصارف و ضرر و زیانک تماماً و بلا تردد ادا وایفای ایچون مستدعیدن کفیل معتبر انق اوزره ورنیه حواله اولنور و جانب ورنه دن دخی مستدعی شرائطنه موافق کفالتیه ربط اولنوب مصدق کفالت سندینک حفظ ایدلیدی و کفیلک اسم و شهرت واقامتکاهی اول استدعایه درکنار اولندقدن صکره جمعیه اعطاقلنور جمعیتان دخی احضار اولته جق آدمک امر احضاری ایچون شرائط نظامیه نیک ایفا اولندیغی دیوان احکام عدلیه نظامنامه داخلینک او تو زسکرنجی ماده سی موجبجه دیوان نظارتیه بامذکره بیان ایدیلور اون برنجی ماده جمعیتک مذکره سی موجبجه دیوان احکام عدلیه قلی شعبه سندن تحریرات علیه یازیلور و بومقوله محرراته کفیلک اسم و شهرت و محل اقامتی تصریح قلنور اون ایشنجی ماده موافق اصول و نظام اولیان احضار استدعا ناه نری علل و اسبابی کوستریلرک صاحبیه اعاده قلنور اون اوچنجی ماده جمعیتیه ورنه معاملاته مخصوص بر دفتر طوتیلور و بودفتره انه جق خرج و رسمک ویا جزای تقدینک استیفای ضمنده ورنیه کوندریله جک مطبوع و قوچانی علم و خبرک نومروسی و تاریخی و خرج و رسمک مقداری و داین و مدیونک اسمی و کیفیتی و بوعلم و خبره قارشو جانب ورنه دن دخی خرج و رسمک التدیغی مین ویریه جک کذلک مطبوع و قوچانی علم و خبرک نومرو و تاریخی قید اولنور اون در دینجی ماده بر عرضخالده بر محکمک اسمی تصریح اولغنیلورده ایجاب ایدن محله حواله سی کوستریلور و یا خود اسمی تصریح اولنوبده اورایه مناسبتی اولدیغی اکلاشیلور ایسه جمعیت طرفندن دعوانک مرجعی باتمیین اورایه حواله اولنور اون بشنجی ماده استیناف و تمیز دعوانینک

شرائط نظامیه نری اجرا ایتدیرلدکن صکره حکم اعلامک تأخیر اجرایی ضمنده او اعلامی اجرا ایدن موقعه جیت طرفندن قوچانی و مطبوع علم و خبر کوندریلور اون التنجی ماده استیناف و تمیز شرائطی اوراق اوطه سی معرفتیه اجرا ایتدیریلوب و صورت اجرا ظاهر استدعایه اشارت اولنوب حواله جمعیتیه اعاده اولنور اون یدنجی ماده کرک استیناف و کرک تمیز ایچون انه جق کفیلک اسم و شهرت واقامتکاهی و دیپوزیتو ایدیلان شیئک جنس و مقداری و محفوظ بولندیغی محل مدعی علیه کندوسنه و یا وکیلنه جمعیتک امریه اوراق مدیریتی طرفندن با علم و خبر بیلدیریلور اون سکرنجی ماده صاحب استدعانک کوستردیگی کفیلک عدم قدرتی و دیپوزیتو ایدیلان شیئک عدم کفایتی خصمی طرفندن ادعا اولنوبده ادعاسنی اثبات ایلرایسه جمعیتک قرار یله صاحب استدعادن دیگر برکنیل انور و دیپوزیتو اولنان شیئک مقداری محکوم بهی ادایه کافی مقداره ابلاغ ایتدیریلور اون طقوزنجی ماده حواله جمعیتی طرفندن انه جق کفیلرک تبعه دولت علیه دن اولملری لازم کلور یکرمنجی ماده نظاماً حق دعوانک سقوطنی موجب علل و اسباب قانونیه سرد و بیانیله مرافعه وقوعنده اول دعوا یه دأر ویرلش اولان استدعانا مه جمعیتیه رد اولغنیوب ایجاب ایدن محله حواله اولنور یکریمی برنجی ماده محاکمه حواله اولنان دعاوی بی مستدعیات اوزرینه مستدعی طرفندن اجرایی لازم کلان شرائطک بمضیمینک عدم اجراسندن طولانی مستدعییه ترتب ایدیه جک ضرردن طولانی جمعیت مسؤل اولز

یکریمی ایشنجی ماده حواله جمعیتک امور قیودیه سی بر اوراق مدیریتی ایله لزومی مقدار مقید و جلب مأموری معرفتیه اجرا ایدیلور یکریمی اوچنجی ماده ورود ایدیه جک جمع اوراق اوراق مدیرینه ویریلوب در حال دفتر مخصوصلرینه قید ایدلدکن صکره جمعیت مقیدیه رئیس اعطا اولنور یکریمی در دینجی ماده حواله جمعیتی قرار یله یازیلان محررات محالرینه کوندریلک اوزره قیو کتخدالغنه و تذاکر جمعیتک باش خدمه سنه ویریلور یکریمی بشنجی ماده حواله جمعیتک امور تحریریه سی دیوان احکام عدلیه نیک حواله و اجرا دأره نرینک امور تحریریه سنه مخصوص اولان شعبه سی معرفتیه اجرا ایتدیریلور یکریمی التنجی ماده جمعیتیه معامله سی اجرا اولنان اوراق جمعیت مقیدی معرفتیه اوراق اوطه سنه اعطا اولنور و معامله جاریه دفتر مخصوصلرینه مختصر و مفید قید ایدلدکن صکره حواله اولنان محکمه و دأره حواله جمعیتی باش خدمه سی معرفتیه ویریلور و جمعیتیه قبول اولغنیلر اصحابیه اعاده قلنور یکریمی یدنجی ماده اوراق مدیریتی نظارتی تحتنده اوله رق مستدعیانک قیدیه خرجنی مستدعی ویریدی حالده مقید طرفندن در حال دفتر مخصوصنه قید اولنوب خرجک استیفای ضمنده قوچانی نومرو پوصله سی طوایدیریلوب ورنیه کوندریلور و اشیو پوصله نر ظهیری جمعیت مهریله مختوم و یوزورقدن عبارت اوله جقدر یکریمی سکرنجی ماده جلب و احضار قوچانلری اوراق مدیرینک تحت نظارتیه اوله رق بر جلب مأموریه لزومی مقدار رفیق معرفتیه طوایدیریلور یکریمی طقوزنجی ماده نمونه سنده کوستردیگی

وجهه قوچانلره قوچان نومروسی و پوصله نرینه
متسلسل نومرو وضع اولنه جقدر
اوتوز بنجی ماده قیدیه پوصله نری طولدیرلدقجه
قوچانلرندن قطع اولنیه جقدر شاید طولدیریلور ایکن
سهو وقوعبولور ایسه اجرا جمعیتی طرفندن بطل
اشارت اولنه رق اول پوصله قوچاننده بولنه جقدر
اوتوز بنجی ماده حواله جمعیتنه اعطا اولنوب
دفتره قید اولنان مستدعیاتی ایجابی اوتوز برکون طرفنده
تحریری ایتمز و خرج و مصرفی و یرمز ایسه بوقوله
استدعا بطل ایدیلره قیدلرینه اشارت اولنور
واوتوز برکوندنصره یکیدن استدعا و یررایسه
قیدیه سی اخذ اولندقدنصره نظاماً اجراسنه باقلیور
اوتوز ایکنجی ماده حواله جمعیتی طرفندن الهجق
هرنوع خرج و رسم و خدمه مصرفنک اخذ
واستیفاسی ضمننده روزنه اولوب اشبو وزنه بر
وزنه دار ایله لزومی مقدار وزنه کاتبی معرفتیه
اداره اولنور

محاکات جزایه دایره سندن و یریلان
مضبطه صورتیدر

ودین قصبه اولوب حیلہ کارلق ایله اظهار افلاس
ایلیان یهودی موردخای چلی قوهنک حقنده اجرا
قلنان تدقیقات نظامیه بی متضمن طونه ولایتک
دیوان احکام عدلیه حواله بیوریلان سلخ
شوال سنه ۱۲۸۹ تاریخی ودرتیوز سکسان بش
نومرولی تحریراتیه دیوان تمیز ولایتدن مصدق
مجلس تمیز لوا مضبطه سی واوراق استنطاقیه
محاکات جزایه دایره سنده مطالعه اولندی

اوراق مذکوره ماللرند مرقوم موردخای چلی
افلاسی بیان ایتسیله تعیین اولنان مأمور وسندکلی
معرفتلیله امور افلاسیه سی بازویه و یریلان
راپورت حکمجه مفلس مرقوم دفترلی کتم
ایتمسندناشی جریان معاملاتلی بیله ناهاش ویاکلی
ویردیکی پلانچو دفترند یوز قرق بوقدر بیک غروش
ذم و اوتوز شوقدر بیک غروش مطلوبات کوسترمش
ایسه ده بو پلانچوی دفترندن یازمیسوب عندی

مشار الیهامه امر و اشعار بیورلسنه قرار و یرلندی
اولابده امر و فرمان حضرت من له الامر کدر

تمیز حقوق دایره سندن و یریلان اعلام
صورتیدر

صرافاندن بکراوغلی خسرو فایله اوپروسو قرات
بازرکان بیننده اولان دعوایه دایر محکمه
استیفایه دن و یریلان اعلامک تمیز بنی مستدعی
مرقوم سو قراتک وکیلی جورجی قسطنطینک
و یرمز اولدیغی عرضحال ایله اعلام مذکورک
صورت مصدقه سی ۱۳ رجب سنه ۸۹ تاریخنده
تمیز حقوق دایره سنده حواله اولمغله طرفینک اعتراض
و جواب لایحه نری ایله برلشدر یله رک مطالعه اولندی
عرضحال مذکور ۱۰ رجب سنه ۸۹ تاریخله مؤرخ
اولوب آلی مرقوم سو قرات محکمه استیفایه نک حکمی
قبول ایتدیکنندن کیفتک تمیزاً رویتی استدعا سندن
عبارتدر

۱۵ صفر سنه ۸۹ تاریخی اعلام مزبورک فذلکه
مندرجاتی مرقوم سو قراتک خسرو فک پدری متوفی
اغوبک تعهدی اتنده بولنان رسومات بدلاتندن
طولای ذمتی کورینان اوچ قلم قرق بیک اوندرت
غروش اوزرینه سکسان سنه سی غایه سندن
سکسان درت سنه سی ایلولی نهایتنه دکن گذشته
ضمیله جمعاً التمش یدی بیک التیوز ایکی غروش
یدی پاره نک کندوسندن باتحصیل خسرو ف
اعطاسنه دایر دیوان محاکات مالیه دن تنظیم اولنان
اعلامک فائض حقنده اولان حکمی علیهنه
اعتراض ایله ذکر اولنان قرق بیک بوقدر غروش
رأس المالك بدل صلحدن عبارت اولدیغندن
بوکا گذشته علاوه سی لازم کلمه جکلی اعالمش
ایسه ده مبلغ مزبورک ایکی قلمی خزینه مصرفی
نقصانیه افجه فرقی اولوب قیود خزینه موجبجه
دینی بولندیغی عندا الحساب تین ایلدیکی مثلاً

تنظیم ایلدیکنی افاده ایدرک مرقومک رسمی و غیر
رسمی دفترلرند و مذکور پلانچو ده اموال
موجوده سندن بر مقدار بنی کتم ایله برابر دینی
اولیان کسنه زه کندوسنی مدیون کوسترمش
اولدیغی جهته حیلہ لی مفلس اولدیغی اکلاشیله رق
حیلہ کارلانی اعلان اولدیغی بیانیله قانون تجارتک
ایکیوز طقسان ایکنجی ماده سی موجبجه تحدید
جزاسنک مرجعنه حواله سی و دین محکمه تجارتندن
بامضبطه بیان قلمسی اوزرینه تدقیقات استنطاقیه
لندی الابدات مرقوم موردخای چلی محکمه مذکوره
و یردیکی پلانچوی عندی تنظیم ایلدیکنی بیان ایله
قننی اخذ واعطادن ونه تاریخلرند ضرر و زیان
کوروب مطلوبات و دیونی نه جهتندن ایدوکنی
ونه زمانلرند کار و منفعت کوردیکنی بیان ایتدیکی کبی
رسمی و غیر رسمی برکونه دفتر دخی ابراز ایتامش
اولسی حیلہ لی مفلس اولدیغی تأیید ایتامش اولدیغندن
مرقوم موردخای چلیبک ایکیوز اوتوز بنجی
ماده قانونیه حکمنه توفیقاً اوچ سنه مدته کورک
قونلسی استشار قلمشدر

مدلول اشعاره نظراً مرقوم موردخای چلیبک
حیلہ لی مفلس اولدیغی تدقیقات جاریه ایله
اکلاشلیغنه و مذکور ایکیوز اوتوز بنجی ماده
قانونیه ده تجارت قانوننامه سنده کوستریلان احوال
ایله حیلہ لی مفلس اولنر و قانون تجارت حکمجه
بولنر شریک تهمت اولدقلی تین ایدنر موقتاً
کورک قونیلور دیومحرر بولندیغنه مبنی مرقومک
بو حکمه توفیقاً و تاریخ حبسی ایدوکی اوراق
مرقومه ده کوستریلان سکسان طقوز سنه سی
جمادی الاولیسنک یکرمی التنجی کونندن اعتباراً
امر تشهیری اون طقوز بنجی ماده قانونیه ده مرق
قاعده به بعد التوفیق محلی قراری اوزره اوچ سنه
مدته محکمنه کورک قونلسی خصوصنک ولایت

اوچىچى قلى دى مرقوم سوقراتك روغن زيت
رسومى تجارتى حصه سى اولق اوزره الهجق
ادعا ايلديكى بشيوز ليرادن خسروف طرفندن
قبول اولنان ايكوز اللى ليرادن عسارت اولوب
بوکا دى بدل صلح دینه ميه جکدن مرقومك
بو باده اولان اعتراضى شايان قبول کوريله ميوب
ديوان محاکمات مالیه اعلامنک تصديق اولنديغى

مبندر

وکیل مرقوم قسطنطينک اعتراض لايحه سنده
محکمه استينافيه درميان ايلديكى اعتراضاتى
تکراره برابر سالف اليان ايكوز اللى ليرا حقتده
خسروف طرفندن ديوان محاکمات برکونه اقرار
وقوع بولمى صلح بولنده قبول اولمش اولديغى حالده
محکمه استينافيه اعلامنده مبلغ مز بورک قبولى
اقرار ديمک اولديغى بيانيه ديوان محاکمات حکمک
تصديق مغاير عدل وحقانيت اولديغندن بحثله اعلام
مز بورک نقضى استدعا وخسروفک جواب لايحه سنده
دى مرقوم قسطنطينک اعتراضى درجه اولى
وثانيه محکمه نرنده درميان اولنوب قبول اولنميان
اعتراضاتدن عبارت اولندقدن بشقه تمیز استدعا سى
مدت نظاميه سنک انقضاسندن صکره ویراش
اولديغندن نظاماً ردی لازم کله جکی ادعا
اولمشدر

بونک اوزرينه طرفين دائريه جلب ايله مهل
تميزک نه وجهله مرور ايلديكى مرقوم خسروفندن
سؤال اولندقدن نرنده بولنان تبليغ سندی احتجاجه
مهل مز بورک کچديکى بالبيان برقطعه سند ابراز
وارائه ايدرك اشبو سندلدى المطالعه ۲۷ نيسان
سنه ۸۸ تاريخله مورخ و اوپر وسوقرات امضاسيله
مضى اولوب دروننده ۱۵ صفر سنه ۸۹ و ۱۱
نيسان سنه ۸۸ تاريخلى محکمه استينافيه اعلامى
صورت مصدقه سنک ديوان احکام عدليه
خدمه نرندن حلى افندى معرفتيله يدینه تبليغ واعطا

قلنديغى شمر بولمش و مرقوم سوقراتك وکيلي
قسطنطينک تمیز استدعا سى برمنوال محرر ۱۰ رجب
سنه ۸۹ و ۱۱ ايلول سنه ۸۸ تاريخلى اولديغى کي
شرائط تميزيه دن اولان کفالت سندينک ۱۸ رجب
سنه ۸۹ تاريخنده اعطا اولنديغى استدعاى مذکور
ظهرنده مرقم ديوان احکام عدليه وزنه سى درکنارنده
کوستلش اولوب شو حالده تمیز استدعا سنک اعطاسيله
شرائط نظاميه سنک اجرا واکالى تبليغ تاريخندن
معين اولان يوز يکرمى کون مدت تميزيه نك انقضاسندن
اونبرکون صکره واقع اولديغى تبين ايتش اولديغنه
ومدتى ظرفنده شرائطى جامع اولميان تمیز استدعا
نامه زينک ردی ديوان احکام عدليه نظامنامه
داخلي سنک يکرمى بشجسى ماده سى احکامندن
بولنديغنه بناء مرقوم قسطنطينديک تمیز استدعا سنک
رديله محکمه استينافيه اعلامى حکمک اجرا سنه
وتبليغ واعلام خرجى اولان سکر عدد بياض
مجيديه نك ايلورده مرقوم سوقرات بازار کانه رجوع
ايتک اوزره مرقوم خسروفندن اخدينه قرار
ويريلوب صورت قرار طرفينه دى تفهيم
قلندى



۱۲ محرم سنه ۲۹۰ تاريخيله تمیز حقوق
داره سندن ويريلان اعلام صورتيدر

حافظ محمد امين افندى علمنده محکمه تجارت
ايکنجى مجلسندن ویراش اولان اعلامک تميزي
مستدعى وکيلي عمر افنديک اعطا ايلديكى عرضحال
ولايحه اعتراضيه ايله اعلام مذکورک صورت
مصدقه سى حواله جمعيتندن ۵ جمادى الاولى سنه
۸۹ تاريخنده تمیز حقوق دائره سنه اعطا قائمغه
مدعى عليه وکيلي اوخانس طرفندن النان جواب
لايحه سيله برلشديريله رک قرائت ومطالعه اولندى
وکیل مومى اليه عمر افنديک ۲۸ ربيع الاول
سنه ۸۹ تاريخلى عرضحالنک خلاصه مالى صرفاق

خانم اوغلى مانوق ايله مؤکلى امين افندى يئينده
اولان دعوايه دائر مجلس مذکوردن ويريلان
اعلامک تميزيله نقضى استدعا سندن عبارتدر
ايکنجى مجلس اعلامنک ۲۷ ذى القعدة سنه ۲۸۸
تاريخلى صورت مصدقه سنده خانم اوغلى مانوق
برقطعه پوصله ابراز ايدرك مومى اليه امين افندى
ذمتنده اولان درت بيک درت يوز غروش الاجفنگ
تحصيلانى دعوى ومحمد امين افندى دى جوابنده
مبلغ مدعا دولتو نجاتلو رشاد افندى حضرتلرينک
دائر عليه لى تعمير اولنديغى اثناده نقاشلى اجرتندن
طولان درون پوصله ده اسمى بولنان نقاش ارتينک
الاجنى اولوب اشبو اقچه ي مؤخرأ مرقوم ارتين
مدعى مانوقه حواله ايلديكى کي افندى مشاراليه
حضرتلرينک کافه ديواننک خزينه خاصه معرفتى
ويوزده اللى نقصانى ايله تسويه سى حقتده اراده
سنه صدورينه مبنى اصحاب مطلوبه بش بيک
کيسه مقدار اقچه تقسيم اولنديغى صره ده مدعى
مانوق کله رک امضانک ضايع اولنديغى بيانيه الهجنى
مطالبه ايتکله کندوسى دى مبلغ مدعا ايله
التونجى ادهم اغانک طقوز يوز اللى غروش حواله سنى
برلشديره رک جمعأ بش بيک اوچ يوز اللى بش
غروشلق برقطعه سرکى المش ونقصانک تنزيلندن
صکره باقى قلان ايکى بيک اللى يوز يتش يدى بچق
غروشدن ايکى دفعه ده بيک يوز اون ايکى غروش
مانوقه تسليم ايتش وقصورى نرنده قالمش
اولديغى ومانوقک الهجنى خزينه خاصه دفترنده
مقيد ايدوکى افاده وانبأ ايدوب مدعى مانوق ايسه
يالکز يوز اون ايکى غروش مقبوضى اولديغى
درميان ايتش و بونک اوزرينه خزينه خاصه دن
استعلام کيفيت اولنهرق النان جوابده افندى
مشاراليه حضرتلرينک ديوانى مياننده حافظ
افنديک مطلوبات معلومه سنک اعطاسى چون صورتى
تحرير قلنديغى قيدأ اکلاشليغى ونقاش ارتينک

مطلوباتنه دائر برکونه صراحت کوريله مديکى
محرر بولمش و بيک غروش تسليمى اولديغى
ادعا سنى اثبات ايلسى امين افندى يه تکليف
اولندقدن شهود اقامه ايليه جکنى سويلسى اوزرينه
مدعى مانوق هر تقدیر امين افندى کندوسنه
طقوز ليرا ويرهش ايسه ده مبلغ مدعا يه محسوبأ
ويرميوب يالديزجى محمد امين اغادن طولاي ديگر
برحواله يه محسوبأ ويرهش وحقى اغاي مرقومک
حواله سندی ديگر سندات ايله ضايع اولديغى
وقت رسمأ برقطعه ورقه تنظيم ايدرك اشبو
ورقه ده مدعى عليهک دى امضاسى مرقم بولمش
اولديغى و مبلغ مدعا يه محسوبأ يوز اون ايکى غروش
بشقه تسليمات وقوع بولنديغى حکايه ومدعى عليه
امين افندى دى مدعينک افاده سى کي اوليه
برحواله دن طولاي طقوز يوز يکرمى غروش مدعى يه
دينى وار ايسه ده مقدما مبلغ مدعا ايله برلشديره رک
جمعأ بش بيک اوچ يوز يکرمى بش غروشه ابلاغ
ايداش و بوندى غيراز تنزيلات ايکى بيک اللى يوز
ايتش ايکى بچق غروشه محسوبأ طقوز ليرا و دفعه
برلير تسليمى وقوع بوله رق باقى سى دينى ايدوکى
افاده ايتلريله کيفيت لى التذکر افندى مشاراليه
حضرتلرينک برقاعده ديوانى يوزده يکرميسيله اوراق
نقدیه فرق تنزيل اولنهرق خزينه خاصه دن تأديه
اولمش وهر تقدیر مومى اليه محمد امين افنديک ديوان
مذکوره مياننده الاجنى بولمش ايسه ده نقاش ارتينک
الاجفنه دائر برکونه صراحت اولنديغى مارالذکر
جوابدن اکلاشلسنه واشبو تنزيلات ماده سنک
مبلغ مدعا يه شمولى اوله ميه جنى کي وقوعى ادعا
اولنان بيک غروش تسليمک دى سندی ضايع اولوب
مارالذکر ورقه زرينه مدعى عليهک تحت تصديقنده
بولنان طقوز يوز يکرمى غروشلق برحواله يه محسوبأ
وقوع بولديغى مدعى عليهک تقريريله ثابت اولسنه
مبنى سالف الذکر درت بيک درت يوز بش غروشندن

یوز اون ایکی غروش تسلیم بالتزیل قصور درت
بیک ایکی یوز طقسان اوچ غروشک گذشته سی
بالضم جماعت درت بیک طقوز یوز طقسان طقوز
غروش یکر می پاره نك مدعی علیه حافظ محمد امین
افندیدن تحصیلنه حکم اولندیغی محرردر
وکیل عمر افندیك اوچ بنددن عبارت اولان ۲۸
ربیع الاول سنه ۲۸۹ تاریخی لایحه اعتراضیه سی
مألی کرک طرفین وکرک صاحب حواله نقاش ارتین
صنف تجار دن اولدقلری جهته دعوی مذکور هی
محکمه تجارتک رؤیت وحکم ایتسی مغایر نظام
بولندیغی ومع هذا مؤکلنک دینی اجرتندن
طولای نقاش ارتینه اوله زق بونک امثالندن
تزیلات اجراسی اراده سنیه اقتضاسندن ایکن
محکمه تجارت مبلغ مدعان تزیلات اجرا ومبحوث
عنه اولان تسلیات حقنده تحقیقات لازمه ایفا
ایتمدیکی ومؤکلنک تحلیف حقنی دخی کوزتمدیکی
جهتله اعلام مبحوث عنیه قانوناً نقضی
لازم کله جکی ادعا وافاده سی محتویدر مرقوم
مانوقک وکیلی اوخانس داودیان امضاسیله
ویریلان ۱۴ شعبان سنه ۸۹ تاریخی جواب
لایحه سی مفادی دخی مومی الیه محمد امین افندی
طرفندن بیان اولنان اعتراضاتک کافه سی محکمه
تجارت اعلامنده مندرج اولوب انک خارجنده
پادعاسی اولدیغندن ومومی الیهک بیک یوز غروش
تسلیاتی اولیوب سائر حواله دن طولای طقوز
یوز یکر می غروش تسلیاتی بولندیغی مومی الیهک
اقراریه ثابت اولدیغی وابینه عالیہ اجورائی باراده
سنیه تزیل اولمش ایسه ده بوتزیلاته اصل
صاحب سند اولان ارتینک خزینۀ خاصه جه الاجغه
دائر برکونه صراحت اولیوب یالکز مومی الیه
محمد امین افندیك مطلوبی بولندیغی اولنان مخبره دن
اکلاشلش وبوداعاسنک دین سندینه شمولی
اوله میه جنی جهته محکمه مذکورده دن تحت حکمه

اعلامنک نقضی ادعا ومدعی علیه وکیلی اوخانس
دخی لایحه سی مندرجاتی تکرار ایله برابر مؤکلنک
صراف صنفندن بولندیغی واستیلور ایسه علم وخبر
دخی کتوره جکی ومدعی وکیلنک بوبابده اولان
افاده مذکورده سی واهی اولوب محکمه تجارت
وظیفه سی داخلنده دعوی حکم ایتش واعلام
مزبورده محرر اولدیغی وجهله مدعینک تزیلات
دعواسنه دخی حق کور یله مامش اولدیغی وهرتقدر
دین بوصله سنده نقاش ارتینک اسمی مسطور ایسه ده
مومی الیه محمد امین افندیك امر یله مبلغ مدعای
تقدراً مرقوم ارتینه وردیکی بیان وانبایلدی
کیفت لیدی المذاکره تفصیلات مسروده دن منفهم
اولدیغی اوزره مدعی مومی الیه محمد امین افندی
جانبندن اولنان اعتراضاتک باشلیجه سی محکمه
تجارت ایکنجی مجلسنک وظیفه سی تجاوز ایتش
اولدیغی ماده سی اولوب واقعاً مومی الیه محمد امین
افندی طرفندن مرقوم مانوقه ویراش ومألی مذکور
ایکنجی مجلس اعلامنده حکایه قلنمش اولان
دین بوصله سی اخذ ومطالع اولدوقده درونده
نقاش ارتین اوستیه درت بیک درتیوز غروش
جسته جسته ایچرودن اقچه چیقیدیغی وقت
ویریله جکی وبوندن صکره صراف خانم اوغلی مانوقه
ماه بمه جسته جسته اعطا اوله جنی وزیرنده
دخی بهرماه بشر یوز غروش ویرلک شرطیه
عباره زری محرر ومسطور بولمنسه کوره مبلغ
مدعانک مداینه سی ابتدا نقاش ارتین اوسته ایله
وقوعبولدیغی ومؤخرأ مرقوم مانوقه حواله
قلندیغی اکلاشلش وزیل قانون تجارتک یکر می یدنی
ماده سنده دخی تجارت محکمه زری تجار ویاصرافلق
ایله مشغول اولنلر وپولیچه جی واصناف سائرده دن
بولنلر یلنده وقوعبولان تعهدات ومعاملات اخذ
واعطایه دائر بالجمله دعوازی رؤیت ایده جکدر
فقط اساس کیفته نظراً محکمه تجارت عائد اولدیغی

تحقق ایدن دعوازک رؤیتندن صرف نظرله
ایجاب ایدن محله حواله سی کوسسته جکدر
دیومحرر اولوب مرقوم مانوق صراف اولسه یله
مبلغ مدعانک اساساً معامله تجاریه دن متولد
اولدیغی کبی انعقاد ومداینه سی دخی مومی الیه امین
افندی الیه نقاش ارتین یلنده وقوعه کلش وبویله
صفت تجارتی غیر جائز ایکی شخص یلنده مداینه سی
منعقد اولان براقیه نك مؤخرأ حق مطالبه سی
علی طریق الحواله تجار دن بری اوزرینه بکیمک
تقریبیه حقوق تجاریه جله سندن معدود اولسی
ایجاب ایتیه جکی درکار بولمش ایدوکنه بناء ایکنجی
مجلس تجارتک کیفیتک ایجاب ایدن محله حواله سی
اعلام ایتوبده مبلغ مدعانک بروجه محرر تحصیلنه
حکم ایتسی وظیفه سی خارجنده کورینه رک
بوبابده اولان اعلام مذکور دیوان احکام
عدلیه نظامنامه داخلینک ایکنجی ماده سی
موجبجه نقض ایداش وبوجهتله اعتراضات
سأره نك تدقیقنه محل قالمش اولمغه اعلام مزبورک
متقوضیتی کیفیتک نظامنامه مذکورک التمش
طقوزنجی ماده سی منطوقجه قیدی بالاسنه شرح
ویرلنک تجارت نظارت جلیله سنه اشعاریه برابر
کیفیتک یکیدن رؤیتی ضمننده عائد اولدیغی بدایت
محکمه سنه حواله اولمنسه واعلام وتبلیغ خرجی
اولان الی غروش ایله اوچ عدد بیاض مجدیبه نك
ایلرده حقسز چیقان طرفه رجوع ایتک اوزره
بوراجه حقلی چیقان مومی الیه محمد امین افندیك
المنسه قرار ویرلدی وصورت قرار طرفین وکیللرینه
تفهیم قلندی

محکمه تمیزک ۲۳ شعبان سنه ۸۸ تاریخی اعلامیه
محکوم به اولان پرمذلی سیران اغانک بعدالحکم وقوع
وفاتی وورثه سنک نه درسعادت ونه ده ولایتنه
اقامه کاهی بولنه مامسی جهته اصول محاکمه

نظامنامه سنك التمش التجي ماده سيله يكرمجي
ماده سنك دردنجي فقره سي موجب تبيع مقامنده
اولق اوزره اعلام مزبورك بر صورتی ۲۱ ربيع
الآخر سنه ۹۰ تاريخنده محكمه نك ديوانخانه سنه
تعلق اولديغى كي اشيو صورتی دخى اعلان
اولور

ملترم ارنود سيران اغانك تجاردين نفوغوص
كيقوريانه باسند دينى اولان يكرمى يدى بيلك
كسور غروش حقنده محكمه نظاميه دن ويريلا
اعلام حكمنى قبول ايتيرك ويرمش اولديغى ايكي
قطعه عرضحال ولايحه ايله اعلام مزبور صورتی
۱۸ رجب سنه ۸۸ تاريخنده حقوق داره سنه
حواله اولمغله مطالعه اولندي

ذكر اولنان عرضحال في ۳۰ جمادى الاولى سنه
۲۸۸ و في ۱۷ رجب سنه ۲۸۸ تاريخلريه
مورخ اولوب تيجه مألرى التمش سكر سنه سنه
ملترميندن متوفى شريف بكدن درعهده ايلديكي
اعشار بدلاتى متوفى مومى اليهك متمهدي
خورسانجي اوغلى طوماس افنديك آدملرينه تمام
ايضا ايتمش اولديغى حالده متمهده مومى اليهك آدملرندن
كيغورق كندوسنى مناسترده حبس ايتديرورك
جبرا المش اولديغى بر قطعه سندی نيقوغوصه
حواله ايدوب نيقوغوص دخى كندوسنى درسهاده
احضار ايتديرورش و جريان ايدن محاكمهده كندوسنى
حقلى چيقمش ايكن استينافده مرقوم نيقوغوص
حقلى چيقارلمش اولديغندن بحثله اعشار مزبوره
بدلاتندن طولاي محاسبه سنى رؤيت وحواله ماده سنك
تميز اولنسى استعاسندن عبارتدر

محكمه نظاميه اعلامى في ۷ جمادى الاخره سنه
۲۸۸ تاريخيله مرقم اولوب خلاصه مفادى
طرفينك بداية جريان ايدن محاكمه لرينه دارديوان
محاكمات ماليه دن ويريلا ۴ ربيع الاخر سنه ۲۸۶
تاريخلى اعلاميه خورسانجي اوغلى آدمى كيغورقك

مناستر تجارت مجلسى اعلاميله سيران اغاده اله جنى
بولنان يكرمى يدى بيلك غروش كندوسنك كغورقده
اولان الاجنه مقابل طرفنه حواله ايداش وسيران
اغا دخى حواله يي بالقبول كندوسنه ويا امرينه
ويرلك اوزره برقطعه دين سندی ووروب برازنى
با علم و خبر ايضا ايتمش اولديغى حالده قصورينى
ويرماكده اولديغندن بحثله مع فائض تحصيلي
نيقوغوص كيقوريانك دعوا ايتسى و مذكور سند
اغاى مرقومك تحت تصديقنده بولنسى جهته
طرفينك مطلوبات وتسليماتى فائضلريه
قارشولشديريله رق اغاى مرقومك قصور دينى
كورينان يكرمى درت بيلك يوز تيش بش غروش
ايله مضبطه خرجنك كندوسندن بالتحصيل
نيقوغوصه ويرلسنه قرار ويرلديكى محرر اولوب
مسألف سيران اغانك وكيل شريف اغا مبلغ
مزبور مؤكلنك شريف بكدن درعهده ايلديكى
اعشار بدلندن متولد اولديغى و بونك ملترم مومى
اليهك متمهدي خورسانجي اوغله كاملا ايضا
قلنديغى و بوكا دائر مؤكل ينده علم و خبر اولديغى
كبي متمهده مومى اليهك آدمى كيغورق مؤكلنى ايكي
سنه محبسده توقف ايتديرورك يندن سند مذكورى
المش اولديغى بيان و نيقوغوص دخى مرقوم
كغورقك يكرمى يدى بيلك غروش كندويه دينى
اولوب سيران اغا دخى مناستر تجارت مجلسى
اعلاميله اول مقدار محكوم ايله مطلوبى اولديغندن
مرقوم كيغورق سيران اغاده اولان مطلوبى حواله
مقيده ايله كندويه حواله ايتمش و اغاى مرقوم دخى
حواله يي بالقبول برمنوال محرر سند ويرمش ومؤخراً
برازنى دخى تسليم ايتمش اولسيله ملترم متمهده دن
طولاي مؤخراً درميان ايلديكى اعتراضك كندوسنه
شمولى اولهميه جنى افاده و ايتان الممش اولدقندن
وسند مزبور دخى لى المطالعه نيقوغوص نامه
محرر اولوب وكيل مرقوم شريف اغا دخى سنك

مهر وامضاسى مؤكلنك اولديغى اعتراف
ايتديكندن ايجابى لى المذاكره مسألف سيران
اغانك كيغورقندن بالقبول مبلغ مدعا ذمتند
نيقوغوصه دينى اولديغى اقرار ايله سند مذكورى
ويرمش ومؤخراً مبلغ مزبورك بر مقدارينى ايضا
ايتمش اولديغى حالده تاريخ سندن مبلغ محال بهك
داين كيغورق ايضا ايله تبريه ذمتنه دارنيقوغوصدن
ايتديكى دعواسى اقرار مشروحنه مناقص اولمغله
استماعه شايان اوليوب بوندن طولاي اوله حق
ادعاسى شريف بلك وره سيله كيغورقه عائد اولق
اوزره ديوان محاكمات اعلامى حكمنك تصديق
قلنديغى مييندر

مرقوم سيران اغانك يدى بندى شامل لايحه
اعتراضيه سنك خلاصه مندرجاتى دخى شريف
بكدن برونك ايكي بيلك بوقدر غروش بدل ايله
درعهده ايلديكى اعشار بدلاتنك بر مقدارينى
شريف بلك متمهدي خورسانجي اوغلى آدملرينه
با علم و خبر جسته جسته بالتسليم اون سكر بيلك
غروش دينى قالمش اولديغى حالده خورسانجي
اوغلي نك آدمى كيغورق تيش بشليك كسور
غروشلق زخايرينى دون به ايله فروخت ايتديرورك
قرق بيلك غروشه محسوب ايتمش و باقى اون يدى بيلك
غروش اوزرينه طقوز بيلك غروش گذشته
ضم ايدرك و بونك ايجون كندوسنى توقف ايتديرورك
نيقوغوص نامه مذكور سندی المش ومؤخراً
اشبو سنده محسوب اون يدى بيلك يدى يوز بوقدر
غروش ويريلوب طقوز بيلك غروش قالدغى حالده
ديوان محاكمات ماليهده اون سكر بيلك غروش
فائض ضم اولنسنه نظراً عندالمحاسبه كندوسندن
استينلان اجه نك صرف فائضدن عبارت
اولديغنك ظاهر اوله جنى كبي كندوسنك
مناسترده توقف اولنديغى ائشاده واقع اولان
استرحامى اوزرينه كندوسندن فائض التماسى

حقنده امر نامه سامى صادر اولش وحتى اون بيلك
غروشه صلح اولمغانى نيقوغوص كندوسنه
بالدفعات تكليف ايتمش ايسهده كندوسنى قبول ايتماش
اولديغندن اعشار مزبوره بدلاتى ايجون ويرمش
اولديغى دين سندی ميدانه قونيله رق عندالمحاسبه
نهمقدار دينى چيقار وكيه ويرلسى لازم كلور ايسه
اكاكوره مطالبه اولنسى و كندوسنك مناسترده
توقيف اولنديغى ائشاده خاندان بولنان خورجنى
مرقوم نيقوغوص اخذ وكشاد ايدرك درونده
بولنان قرق قطعه سنداتى الممش اولديغنه ميني
اشبوسندرك استرداديله برابر بوخصوصدن طولاي
حجز ائنده بولنان املاك واجقه سنك دخى تحت
حجزدن قورتاراسى افاده زرينى متضمندر

مرقوم سيران اغا محكمه نظاميه نك مالى بالاده
مرقم اعلامى قبول ايتيوب بونك تميزينى استندا
ايتمش واعتراضاتى ميين اولوب الك باشليجه
مندرجاتى بوقاروده مرقم لايحه يي ويرمش ايسهده
مرقوم شرائط تميز يه يي اجرا يعنى ديوان احكام عدليه
وزنه سنه مبلغ محكوم به يي ويا خود انك رينه
مصدق كفالت سندی اعطا ايتيوب خزينه جليله دن
يكرمى بشليك غروش مطلوبنه دائر برقطعه
علم و خبر ويرديكى تميز استندا نامه سى ظهيرينه
وزنه دن يازيلان دركنازدن اكلاشلمش و بوايسه
نظاهراً شايان قبول كوريله ماش اولديغندن
ذكر اولنان استعاسى ردا و لائق لازمه دن اولوب
معافيه جله اعتراضى دين مذكور اعشار بدلندن
منبعث اولمغله بدلات مذكوره حسابنك رؤيت اولنسى
ونيقوغوص طرفندن النان سندنك استرداديله
سكوسترو ائنده بولنان املاك واجقه سنك قورتاراسى
قضيه زندن عبارت اوله رق محكمه نظاميه نك
نتيجه حكمنى ايسه مبلغ مدعا كيغورق طرفندن
مرقوم نيقوغوصه حواله اولمش و مرقوم سيران
اغا حواله يي قبول ايدرك سند دخى ويرمش

وحواله قبول ايتديكى مبلغك برمهقداريني
ايفا ايتش اولديغندن بوكره واقع اولان ادعاسى
شايدان قبول اوليوب ملتزم و متعهدينه عائد
اولق اوزره قصور حواله بدلى ايفا ايتشى مركزنده
بولمش وقرار مذکور بولنده اولديغى كى مرقوم
سيران اغانك نيقوغوص طرفندن سندى الينديغه
وبوايدن طولاي حجتالنده بولنان املاكنه دائر
درميان ايتديكى ادعاى ذكر اولنان حواله دعواسى
خارجنده كورنمش اولسيله وشو حالده اعتراضات
مشروحه محكمه نظاميه نك حكم وقراري تقض
وجرح ايدر اسبابدن اولماسيله تمیز استدعاسنك
ردينه و مرقوم سيران اغانك اعشار مزبوره
بدلاتندن طولاي ملتزم و متعهد مومى اليه ايله
رؤيت محاسبه ضمننده و ذكر اولنان حجتالنده
اولديغى افاده ايلديكى املاكى حقنده بشقهجه
استدعا ويرديكى حالده بديا كورك اوزره
ايجاب ايدن محله حواله سى نزومنه قرار ويريلوب
صورت قرار كندوسنه تفهيم اولدى

تميز حقوق دائره سندن ويريلان اعلام
صورتيدر

غلطه ده محمد علي پاشا خانى بكچيسى پترومارقو چور
وجج ايله اورته كوى سا كنلندن باغچوان پترومارقو
توافيق ييبنده اولان اله حق دعواسنه دائر بك اوغلى
بدايت محكمه سى حقوق دائره سندن تنظيم اولنان
۱۷ شوال سنه ۸۹ تاريخلى اعلامك تميزيني
مستدعى مرقوم باغچوان پترونك ويرهش اولديغى
۱۷ ذى الحجه سنه ۸۹ تاريخلى عرضحال تميز
حقوق دائره سنه حواله اولمغله طرفينك لايحه نرى ايله
برلشديريله رك مطالعه اولدى
اعلام مذكور خلاصه مالى مرقوم بكچى پترونك
اوچ ماه مرورنده ويريله مزايسه فائضيله برابر تأديه
اولنق اوزره ليرا يوز بش غروش حسابيله ۱۵ نسان

بالتصديق حكمك اجراسنه قرار ويريلوب صورت
قرار مدعى عليه پترويه تفهيم اولدى

تميز حقوق دائره سندن ويريلان اعلام
صورتيدر

قاضى قريه لى مناو سوترى ايله ليغور ييبنده اولان
دعوايه دائر اسكدار مركز بدايت محكمه سى حقوق
دائره سندن ۲۸ ربيع الآخر سنه ۸۹ تاريخيله اعطا
اولنان اعلامك تميزيني مستدعى مرقوم سوترينك
ويرمش اولديغى ۱۷ جمادى الاول سنه ۸۹ تاريخلى
عرضحال تميز حقوق دائره سنه حواله اولمغله
طرفينك لايحه نريله برلشديريله رك مطالعه اولدى
اعلام مذكور مفادى مرقوم ليغور سوترى ذمتنده
باسند الاجنقى اولان يكرمى ايكي عدد عثمانلى
ليراسنك مع فائض تحصيلنى دعوى ايله سوترى
امضالى وليغور نامنه يكرمى ايكي عدد ليراي عثمانى
دينى اولديغى حاوى برقطعه سند ابراز ايتش
ومدعى عليه كى لى الاستجواب مبلغ مدعاى
مؤكلى ادا ايدوب برقطعه بطلانامه اخذ ايلديكى
افاده ايتش ايسهه ارايه ايلديكى ليغور امضالى
بطلانامه ده ليغور سوترى ذمتنده مطلوبى اولان
يكرمى ايكي عدد عثمانلى ليراسندن ماعدا الاجنقى
اخذ ايلديكى محرر بولمش اولديغندن مذكور يكرمى
ايكي ليرانك مع فائض سوتريدن تحصيلنه قرار
ويرلديكى ميبندر

مرقوم سوترينك لايحه اعتراضيه سنده ليغور نامنه
ابراز اولنان سند كندوسنك اولديغى واكرچه
مرقوم ليغور قريه لى مبخاله اولان دينى تماماً
واعطا وقوعبولش ايسهه مبخاله اولان دينى تماماً
تأديه وايضا ايدرك يندن برقطعه بطلانامه اخذ
ايلديكى وبطلانامه ده محرر اولان يكرمى ايكي
ليرانك بشقه بردين اولديغى وبطلانامه ويرلسندن
وسندك ليغور نامنه قرائت اولمى سندن طولاي

كيفيت شهيه دعوت ايلديكندن ايشك باب
ضبطيهه وياخود بطريقخانه ه حواله سى ايجاب
ايدرايكن بورازينه دقت اولتماش ايدوكى درميان
اولمشدر

ليغورك جواب لايحه سنده دى مرقوم سوترينك
قريه لى مبخاله اولان دينى ايجون ويرمش اولديغى
سند كندوسنه جيرو اولمش اولديغى و مرقوم
سوترى برطرفدن سند مزبوري انكار وبرطرفدن
دى بطلانامه الينديغى تذكار ايلكده اولوب
بوافاداتى يكديكرينه مبان بولنديغى ومذكور
بطلانامه ايسه مرقومك پدى استفان ايله
بينلرنده اولان محاسبه بازويه استفانده مطلوبى
قالبوب فقط مرقوم سوتريده يكرمى ايكي ليرا
الاجنقى قالدغي ميان اولوب بوجهنله مرقومك
افاداتى واهى ايدوكى بيان قلمشدر

ذكر اولنان سند وبطلانامه دائره مزبوره دن
كستورديله رك مطالعه اولندقه سند مذكور ۱ مائس
سنه ۱۸۶۶ تاريخيله مورخ ومناو سوترى امضاسيله
مضى اولوب متننده ياتى مبخال نام كسنهيه وياخود
امرينه اوتوز بركون وعده سيله يكرمى ايكي عدد
عثمانلى ليراسى تأديه اولنه جنى محرر وظهرنده
۱۲ تموز سنه ۱۸۷۱ تاريخيله مرقوم مبخال طرفندن
قريه لى ليغوره جيرو اولنديغى مرقم بولنديغى
كى بطلانامه ابتدائى مائس سنه ۱۸۶۶ تاريخلى
ويانى مبخال امضالى اولوب مفادى يكرمى
ايكى ليرالى سند منطوقجه الاجنقى اولان يكرمى
ايكى ليرادن ماعدا سوترى ذمتنده بركونه الاجنقى
قالدغي ميان كورلشدر

طرفين قاعده اوزره جالب واستجواب
اولندقه سوترينك باسند مصدق وكلى واسيل
مذكور دين سندن ليغور قريه لى مبخال
اسمه اوله رق بش سنه صكره ظهوريه سى موجبجه
ليغوره جيرو اولمش اولديغندن مرقوم ليغورك

کندوزندن دعوايه صلاحيتي اولديغى کي
جیرونک یازو وامضاسی یدزنده بولان میخالک
یازو وامضاسنه مطابقت ایتدیکی جهته ساخته اولدیغی
ومرقوم میخالک یدزنده بولان پوصله زی موجبجه
اشبو دین سندینه تسلیماتلری بولندیغی و بوراری
اسکدار حقوق دأره سنجه تدقیق اولندیغندن
اعلامک مغایر نظام اولدیغی ادعا ایله تسلیماته دأر
ایکی قطعه پوصله ابراز ایلش و مرقوم لیغوردخی
مذکور پوصله زی بعدالتصدیق قرنداشی مرقوم
میخال ایله کندوسی شریک اولدقارندن بوکی
دین سندزینک اکثری کندوسنده اولوب تحصیل
ایتمکده بولندیغی و سندک جیروسی صحیح اولوب
بونی دخی قرنداشک یدنده بولان برقطعه مکتوب
اثبات ایده جکی واشبو جیرونک یازوسی میخالک
اوغللرینک اولدیغی و سند موجبجه مبلغ مزبوری
سوتردن مطالبه یه صلاحیتی بولندیغی افاده و انبا
ایتمشدر

کیفیت لدی المذاکره اسکدار حقوق
دأره سی اعلامنده هر تقدیر سوترینک دین سندی
لیغور نامنه اوله رق یکر می ایکی عدد عثمانلی لیراسی
دینی اولدیغی مبین ولیغورک بطلانامه سی دخی
سوتری ذمتده مطلوب اولان یکر می ایکی عدد
عثمانلی لیراسندن ماعدا الاجغی اخذ ایلدیکنی
متضمن اولدیغی بیانیله مذکور یکر می ایکی لیرانک
مرقوم سوتردن تحصیلنه حکم اولمش ایسه ده
دین سندینک لیغور نامنه اولیوب قرنداشی میخالک
امرینه محرر و اوتوز برکون وعده لی برنجویل اولدیغی
ولش سنه صکره مرقوم لیغوره جیرو اولندیغی
وبطلانامه دخی لیغور امضالی اولیوب میخال
امضاسیله ممضی بولندیغی برمنوال مشروح دأره جه
تحقق ایدوب شو حالده اعلام مزبورک مندرجاتی
خلاف واقع اولدیغی مثلاً بومقوله تحویلاتک
وعده سی مرورندن صکره جیروسی نظاماً جائز

اولدیغندن مرقوم لیغور مبلغ مدعا یی اولسه
محال له صقیله ارایه بیلوب یوخسه مرقوم لیغوره
طوغریدن طوغری به داین نظریله باقیله میه جخی
جهته اعلامک نتیجه حکم وقراری دخی یولسز
کورندیکنه ومع مافیه امره محرر تحویلاتدن نه به
منازعاتک رؤیت و فصلی طرفین مخاصمین تاجر
صنفندن بولنسه بیه ذیل قانون تجارتک یکر می
سکزیجی ماده سی مفادی ایجابجه محاکم تجارتیه عائد
اولق حسیله اسکدار حقوق دأره سنک بواشی
رؤیت و حکم ایتسی مغایر قانون اولدیغنه بناء دیوان
احکام عدلیه نظامنامه داخلدینک ایکنجی ماده سی
موجبجه اعلام مذکور تقص ایلش و اعلام
وتبلغ خرجی اولان یکر می ایکی غروش و اوچ عدد
بیاض مجیدیه نک تمیز دعواسنده حقلی چیقان
مرقوم سوتردن ائمنه قرار ویریله رک کیفیت
طرفینه تفهیم اولمشدر

کوشه صرافلرندن سرکزایله اقسرایده قصاب ابراهیم
اغابیننده اولان الهجق دعواسنه دأر محکمه
تجارت برنجی مجلسندن اعطا اولنان ۲۷ شعبان
سنه ۸۹ تاریخلی اعلامک تمیزینی مستدعی مرقوم
ابراهیم اغانک و برهش اولدیغی ۱۴ ذی الحجه سنه ۸۹
تاریخلی عرضحال تمیز حقوق دأره سنه حواله
اولمغله طرفینک لایحه زیله برلشدیریله رک مطالعه
اولندی

اعلام مذکورک مالی مرقوم سرکز ابراهیم اغاذه تنده
درت بیک غروش مطلوبی اولدیغی و مقدماسندی
ضایع اولوب برادری سبوح نامنه سند الیدیغی بیانیله
مبلغ مزبورک پروتستوسی تاریخندن اعتباراً
فائضیه برابر تحصیلنی استدعا و مذکور سند لدی
المطالع ۱۵ شعبان سنه ۸۸ تاریخنی و ابراهیم

مهرینی شامل اولوب دروننده اقسرایده صراف
سبوح یدندن بلا فائض درت بیک غروش
استقراض اولنه رق جسته جسته تأدیه اولنه جخی
وظهورنده دخی ۱۸ شعبان سنه ۸۸ تاریخنده
بشیوز غروش تسلیم اولندیغی مرقم بولندیغی مثلاً
مرقوم سبوح محکمه یه کله رک مبلغ مزبورک برادری
سرکره عائد اولدیغی افاده و انبا ایتش و مرقوم
ابراهیم اغا لدی الاستیجواب سندده کی مهرینی تصدیق
و اعتراف ایله برابر مرقوم سبوحه سکزیوز غروش
دها تسلیماتی اولدیغی و فقط مبلغ مزبور اساساً
کندی دینی اولیوب دیگر بر شخصک دکان
و مطلوباتی کندوسنه ترک ایدرک مقابلنده بورجلرینی
قبول ایتدیکی صروده مبلغ مزبوری درعهده ایتش
ایسه ده مؤخرأ شخص مرقوم مطلوباتنک جمله سنی
کندوسنه آراءه ایتمکدن استنکاف ایتسی جهته یه
نحصولنه موفق اوله مدیغندن مبلغ مزبوری ایفا
ایده مدیک کی ایتکه دخی مجبور اولدیغی سویلش
ایسه ده مبلغ مزبوری اولجه قبول ایله سند اعطا
وبر مقدارینی تأدیه و ایفا ایتدکدن صکره افاده
مشروحه سی قبوله شایان اولدیغی مثلاً مرقوم
سبوح برمنوال محرر سکزیوز غروش الدینی
انکار ایدرک اولابده ابراهیم اغا طرفندن تکلیف
اولنان یمینی قبول و اجرا ایلش اولسیله ذکر اولنان
درت بیک غروشندن غیر از تسلیم متباقی اولان
اوچ بیک بشیوز غروشک پروتستو تاریخندن اعتباراً
فائض نظامیسی و محاکمه مصارف ایله ابراهیم
اغادن با تحصیل سرکره اعطاسنه قرار ویرلدیکنی
مبین بولمشدر

مرقوم ابراهیم اغانک اعتراض لایحه سنده مبلغ
مزبورک اساساً کندوسنک بورجی اولدیغنه دأر
مجلس تجارتده درمیان ایلدیکی افاداتی تکرار ایله
برابر صرافلرک صنعتی فائض ایله اچه آراءه ایتمکدن
عبارت اولدیغی حالده مرقوم سرکره مبلغ مزبوری
بلا فائض ویرسی اسبابی تحری اولنور ایسه
ایشک میدانه چقیه جخی بیانیله اعلام مذکورک
تقاضی استدعا اولمشدر
سرکره جواب لایحه سننده دخی ابراهیم اغانک
افاداتی بی اساس اولوب مبلغ مزبور کندی نامنه
اوله رق فائضی سنده مربوط اولدیغی حالده سندک
ضایع اولسی اوزرینه برادری سبوح نامنه اوله رق
فائضسز سند ائمنه مجبوریت حاصل اولدیغندن
بخله اعلام مذکورک تصدیق استدعا قلمشدر
طرفین ۱۳ صفر سنه ۹۰ تاریخنده دأره یه جلب
و استیجواب اولندقه مرقوم ابراهیم اغا مبلغ مزبوری
قصاب امین اغانک کندوسنه حواله ایلدیکی ذمات
جمله سنندن اولدیغی بیان و سرکز دخی حواله
اولدیغی انکار ایله سند موجبجه مبلغ مزبورک
تحصیلی لزومی اتیان ایلشدر

کیفیت لدی المذاکره مرقوم ابراهیم اغانک اعتراض
مشروحی قانوناً اسباب نقضیه دن اولمغله امین
اغادن ادعاه صلاحیتی اولق اوزره اعلام مذکور
بالتصدیق حکمنک اجراسنه و اعلام وتبلغ خرجی
اولان اوتوز سکزیوز غروش ایله اوچ عدد بیاض
مجیدیه نک ابراهیم اغایه مراجعت ایتک اوزره
سرکردن ائمنه قرار ویریله رک صورت قرار
طرفینه تفهیم اولندی

تمیز حقوق دأره سنندن ویریلان اعلام
صورتیدر

وانلی مراد ایله صابونجی اوغلی اغوب بیننده
اولان الاجق دعواسنه دأر در سعادت مرکز بدایت
محکمه سی برنجی حقوق دأره سنندن تنظیم قلمش اولان
۴ ذی القده سنه ۲۸۹ تاریخلی اعلامک تمیزینی
مستدعی مرقوم مرادک اعطا ایلدیکی عرضحال
تمیز حقوق دأره سنه حواله اولمغله طرفینک
لایحه زیله برلشدیریله رک مطالعه اولندی

اعلام مذکورک خلاصه مفادی مدعی اغوبک وکیلی
اسپرونک ۲۲ مایس سنه ۱۸۶۴ تاریخی ووالی
مغدیس مراد و عبدالرحمن امضا و مهر زنی
شامل و اوتوز برکونصره ادا اولمق و ویریله مزایسه
بیکده یکریمی غروش فائض اعطا قانمق اوزره
صابونچی اوغلی اغوبدن بشلک اقچه اوله رق
اوج بیک غروش الندیغی افاده سنی مشتمل بالارائه
موجبنجه بدلک تحصیانی ادعا یلدیکی سندده کی
امضاسنی مدعی علیه مراد بعد التصدیق مبلغ
مدعا به تقدماً التیوب حکار یلی نورالله بکک غصب
اولنان املاکنی استرداد ایدرایسه کندوسنه اجرت
اوله رق اوچبیک غروش ویرلک اوزره سند مذکورک
متوفی عبدالرحمن اغا ایله برلکده اغوبه ویرلش
واغوب ایسه هنوز تسویه مصلحت ایتامش اولدیغنی
و بوجه تهله براقچه دینی بولمندیغنی سولش ایسه ده
اشبو افادات سند حکمنی ابطاله صالح کوریله میهرک
مبلغ مدعا بهک نصفی عبدالرحمن اغانک ترکه سندن
ارائلق اوزره نصف دیگرکی اولان بیک بشیوز
غروش متالک اقچه نک سکر یوز یتش ایککی سنه
میلادیه سی کانون اولنک یکریمی اوچنجی کوننه قدر
حساب ایدیلان بیک بشیوز اوتوز غروش فائض
نظامیسی مصارف محاکمه ایله برابر مرقوم مراددن
بالتحصیل اغوبه اعطاسنه حکم اولندیغنی بیاندن عبارتدر
مستدعی تمیز مراد لایحه اعتراضیه سنده برموال
مشروح نورالله بکک املاکی استخلاص اولنور
ایسه اوچبیک غروش اعطا اولنه جعنه شهادت
یولنده و اقومه یازمه بیلدیکی جهته عبدالرحمن اغا
واغوبک افاده زینه قانع اوله رق شهادتنامه صورتده
اولق اوزره سند مذکورکی تحیم ایلدیکنی و سکر
سنه مدت اغوبک سند مذکورکی حیل سندن ناشی
میدانه چقار میوب نورالله بکک عبدالرحمن اغانک
وفاتندن صکره ایزاز ایتکده اولدیغنه متدار اولان
افاداته دائرة مذکورده جه حواله سمع اعتبار
ایلدیکی و بوماده دن طولای اصول محاکمه
نظامنامه سنک اوتوز النجی ماده سی موجبنجه

حق اولان یعنی کرک دائرة مذکورده و کرک محاکم
سأبرده طالبدن کیرو طور میه جعنی بالیان دیوان
احکام عدلیه نظامنامه داخلینک اون برنجی
واون اوچنجی ماده زنی احکامجه اعلام مذکورک
نقضی لازم کله جکنی ادعا یتشدر
مدعی علیه اغوب دخی لایحه جوابیه سندن مدعی
مرادک سندک صورت تحیمی حقده اولان تأویلاتی
نظاماً مسموع اولندیغنی و کندوسنک سندن بدلی
استحصالده اولان تأخری ملکیتی طرفنده و برارالق
ممالک اجنبیه ده بولم سندن نشأت ایلدیکنی و مدعی
مرقومک درجه اولیده تکلیف ایتدیکی بریمی
محکمه تمیزده طلبه حق اوله میه جعنی در میان ایشدر
مدعی مرقوم طرفندن برقطعه سند مصدقه قوزوچی
اوغلی اسپرو وکالة ۱۲ صفر سنه ۲۹۰ تاریخنده
دائرة جلب واستجواب ایدلدکده هر بری لایحه سی
مندرجاتی تکرار ایله برابر بشقه بریده جکی اولندیغنی
افاده بیان و درجه اولیده عین تکلیف اولوب
اولندیغنی سؤالنه جواباً مدعی وکیلی درجه اولیده
مؤکلنک عین تکلیفنده بولمندیغنی تحکیمه و اتیان ایلدی
کیفیت لدی المذکره مرقوم مرادک سند مجبوت
عنهی بیلدرک امضا ایلدیکنه و تاریخ سندن شمسی
قدر سکر سنه یه قریب مدت گذران ایتش اولدیغنه
دائر اولان افاداتی اعلام معترض علیک تقضی
موجب اسباب قانونیه دن کوریله مدیکی مثلاً اعلام
مذکورک مندرجاتی و وکیلی مرقوم اسپرونک بوکره
دائرة واقع اولان بیان مشروعی اقتضایجه
مرقوم مرادک درجه اولیده عین تکلیف ایتیبوده
شمسی محکمه تمیزده عین تکلیفته قانوناً حق و صلاحیتی
اوله میه جعنی درکار بولنش اولمسنه یعنی اعلام مذکور
بالتصدیق حکمنک اجراسنه و اعلام و تبلیغ خرجی
اولان اوتوز غروش اون پاره ایله اوج عدد بیاض
مجیدیه نک سائر مصارف محاکمه ایله برابر حق سز چیقان
مراده رجوع ایتک اوزره اول امرده حقی چیقان
مرقوم اغوبدن النسنه قرار ویرلدی و صورت قرار
طرفینه تفهیم قلندی